

IMARISAI

Arpaatit qaortut	6
<i>Astma</i>	16
<i>Innaq</i>	17
Ippernaq	18
<i>Qeqqa matoqqasoq ammarniartoq</i>	33
Europa	35
<i>Naluara Malugigit</i>	40
<i>Ullorissat marluk</i>	41
Ilusilersuisuuneq	42
<i>Qooqa</i>	53
Ersinngitsoq	55
<i>Oqalugiaat</i>	73
<i>Qillalaartut</i>	75
Supajuk	77
<i>Inuugatta assigiinnata</i>	84
Tarrarsuut	85
<i>Tarraralu</i>	99
<i>Misiginneqataavunga</i>	100
Inuunerup piumasaqaataa	101
<i>Nunap inua</i>	105
Alianaak	106
<i>Aalajaanneq</i>	125
<i>Aanannguara</i>	127

Arpaatit qaqortut

Pinngortitaq inoqarpasinngillaraangami, uumassuse-qarpasittaranilu. Sila taarsilereerpoq, putserlunili silaannaritsitsisumik. Aasariartulernerata tikka silaan-naalu puannut iserluuararluni anillakkumasartoq, nunaarsuarmi tamani alianaannerpaajulluni iluarusunnar-nerpaavoq. Aqqusineq ataasinnguamilluunniit biileqan-ngimmat suli marloriaammillusooq silaannarinneruvoq, kisimiikkusukkaannilu aatsaat tassa.

Piareersarninni meeqqamma soorlu mikisuararsuu-gallaramisuulli periuseqarlutik apartortuinnaavaan-nga, allaanngilaq maratonimik unammileraangama kissassernerma nalaani arpalinnginninni eqitaaqqaar-taraannga tapersorsorlunnga, soorlu aamma ullumikkut aallassagama taamannak pissuseqartut. Aapparma siggukkut apartarpaanga oqarfigiutigalunga isumaleru-jummik, massakkulli oqaatigisartagaasa isumaa uannut allanngornikuuvvoq.

– Eqqaamassavat tunniutiinnarnerunngilaq.

Uannut isumaa ulorianartunngooqqavvoq.

Anngaariarlunga aallartaraanga uniinnarusunnanga ajugaarusussuseqarlunga. Ukiuummi tamaasa inissisi-maffiga angorusuttuaannarpara pitsanngornerujumallugu. Massakkut taamatut kingumut oqarfigerusuttaralua-qaara, kisianni imminut nangartalertarpunga qimanne-qarusunngeqigama. Sorpassuarnik toqqortaqtarsima-gamami qimaaffigiuakkannik. Oqaasinngortinngisaan-nagassannik. Maannali neriorsuisinnaavunga ingerlari-

aqqereeruma, timitalimmik oqaasinngortikkumaarlugit. Aamma ilumuunngitsumut imminut saammarsassallunga qimaasinnaajunnaareerama, pisussap eqqortup aaliangerumaarpaa. Ukiorpassuit qaangiukkaluartut ilamma uannut pissuserisarsimasaat puigorneq ajuuipakka nikanngisaannarmatami, takorluuisitsineq ajorpulluunniit ulluinnarsiutigalugit takujuannarakkit. Ilumoornerpammi? Naalagaanangali.

Inissaminniittuaannassappata aamma allanngori-aannaassagaluarput, pisataanngillammi pinnguaangannginamik, pinnguallumi pisataannaagamik aqunne-qarsinnaallutik.

Aqqusineq innukkiartortoq malugaara. Tulleriaarlugit ingerlaannarlunga qaangerarlugit sanioqqutiinnaqattaarpakka, ilisarisaqassanangalu. Biilillu ataasiakkaarlutik saneqqulerpaannga. Ullutut sukkaqalutik. Immaqluunniinuna arpannerma sukkassusaa najoqqutaralugu assersuuttariga, tunginnut ingerlallutik sanioqqukkaangakkit arpariarama sukkannerorpasittarmata. Nalunngilarami inuppassuit nalusaannik inuuninni arpalluartarsimaqlunga. Inuuninni arpakkaangama sangusaqtataartarlunga, akerleriinni ingerlaarsinnaasarlunga. Imminut unammisarsimaqaanga, isummallu assigiingitsorpassuit maleruutiinnarlunga noqqoruuttuartut nakkaannarfigisarsimavakka.

Tamatigut arpareeraangama nalunaaqutaqqama sekundilersuutaa atorluartarpaa. Tassuuna qanoq sivisutigisumik arpassimanerlunga naatsorsortarpaa, apuukkaangamalu pappiaqqamut allattarlugit, piffissap naalagaasup naatsorsorneqarnera takutinniarlugu. Ulloq piffissarlu tamatigut allattarpakka, pappiaqqallu qulequ-tarisarpa qanoq takitigisumik arpassimatiginersunga.

Soorunami aamma nassuerutigissavara ullorpassuaqartarmat arpassimanngiivillunga, arpaqqinnialeraangamalu timera piffissami annertuumi sungiusarluartarsi-masara artornartorujussuarmik aallaqqaataaneerlugulu-sooq qaqinniaqqittuaannarakku. Oqaluukkaangattami paasiaangajattarpunga, aqqutaa erloqinartumik sivisaqisoq. Piumassusera allanngorartuaannarami. Isummakka paajuaannaramik, aaliangerluarsinnaannginnerma pilianik aappara ilungersortittarsimaqaa.

Kiisa massakkut taamaassaarpunga, sunnguamillunniit allassaarpunga. Inuit qaniginngikkaluarlugit tatigiliinnakkakka kuglepenilerlutik pappiaraatiminnt kisimik allattuujuarmata, inisisimaffinnut paasitsiar-lorlutik aggertuarput. Isumaqaarnartarpoq oqaluttualior-tup inuunerma ingerlарнга allatassarissagaluararaa, ua-ngalu atuakkap naanera atuariissagaluarpara paaseru-sungaarakku. Assigiinnaramiuk silarluttorujussuarmi arparujoortunga, apuuffissannullu pitinnanga uninna-viarnanga. Soqutiginagu anorip anorlerfigerujussuara-luarpanga. Soqutiginagu sialuit atisakka oqimaallisippagit. Soqutiginngilarami arpaatikka masattuinnanngora-luarpata qerrukkaluarpataluunniit. Iserumami kissalaartumut panersissaqqaarpakka aamma uffareeruma iluaallassaqqaarama. Ingerlaarninnimi nukersornissara piareersimaffigiuannarpaga, timima ajussutigileraluar-pagu nalunngilara qasuersaarlungalu eqqissisimaalaari-aruma aaqqikkumaarlunga. Napparsimalaalerluaruma-lu tiitortaarlunga peqqissinissamma tungaanut angerlar-simaannartassagaluarbunga. Tassa taamak ajornanngitsigaaq. Uniinnarsinnaanngilangami avungarujussuaq inissereersimatillunga, tunniutiinnarfissaanngilaq apuutilereerlunga.

Tassanngaannaq qungasinniittoqarpalulluni aner-saartornera ujarassuarmik iisisimasutut anernissara killilorsorneqaleriasaарpoq, anerniluttujussuanngortil-lunga. Inuit sanioqquasakka suli sanioqquallugit ikior-tikkusukkaluaqalunga oqarfingineq sapilerakkit misigis-sutsikkut qulliikka noqittupilussuanngoriasaарpakka. Nappaatima iliuuseqartissinnaanngilaanga, anerniluk-kunnaarnissara kisiat utaqgisussannguinnartarakku. Taamaasillunga timera naalagaraara. Nammieq timera aqukkaluarlugu tusarnaartariaqartarpara.

Inuit kikkulluunniit ikioqqusunut nukissaqarsinnaa-saraluartut qimaaffigillugillusooq biilnik aportinna-veersaarlunga aqqusernup illuanut nuuttarpunga, ta-maani aappariinnitta aqqusernganisuulli. Periarfissarsi-ortaraluarlunga allamik nutaaruinnarmik perusukkalu-arpunga. Aammaluunniimm erinarsuutit nuannarisak-ka siutequserlunga tusarnaartarakkit. Tulleriaatileraa-ngakkit kisima silarsuanneerusaalertarama, anersaartor-palunneraluunniit tusaanagu arparusaartarlunga. Nit-tartakkakkummi atuarakku tusarnaajutigaluni arpakaanni qasunannginnerusartoroq. Isumaqarpungalu taanna atuarsimasara ilumoortuusoq.

Misigilertarpunga apuunnissara erinigilertarlugu qasuersalaarnissara iluarunartinnermik. Tamannami eqqarsaatigigaangakku uniffeqanngisaannarpoq, utaq-qinngilarali. Pissangagivara. Qimaariarfingisinnanaguli, qunugilertarlugulu.

"Ilaqtannguakkamita qanoq ippat? Pissusissamik iluamik eqquisimanerlunga? Tullinnguuttormita qanoq ippa? Sumununa uanga killittunga?"

Eqqarsarpunga takusimanngisakka maqaasingaa-rakkit, nalunngiinnarpara oqarfigitikkuma angerlamut

uteriaannaallunga, paasitinneqarnissara utaqqiinnarpa-
ra. Uangami allattuisuunngilanga, taakkua inuit kisi-
mik. Uanga apeqqusiisuuvunga akissutissamik utaqqiin-
nartoq.

Apeqquisiarpunga siunissannut ujartuillunga.
Imminut apersulertarpunga, isummanniillu tamatigut
imminut akiuarpongaa.

Arpakkaangama eqqarsaatit qarasanni atuakkatut
qupperalersarpakka, ajunngitsumik malinnikkusuttar-
neq inuup kialluunniit iluminiitittarunarmagu kisimiis-
simassananga ilimagaara. Ingammik ilaquuttannut attuu-
massuteqarpat, qanigisannulluunniit ajunngitsumik
eqqaamaneqarusunnartaqaaq. Inuttut attuillunga ajortu-
liortarsimananga ilukkut salloqittaasarsimavunga,
paasisaanissaralu toqqisisimanangittuaannarluni.
Oqaatsit eqqunngitsut oqqamma pilersulissavai, aappar-
mali tusarnaartuarpai upperalunga. Misigisimavunga
inuunerma atuagaa suli quppernikippallaartoq, isumak-
keerfigitissanngikkumali inuusinnaanaviannginnama
matu ilunniittoq nammineq matuersaatinnik paarnaar-
luartarpara. Inuinnaagamami ullut tamaasa matup
ammartarnissaanut timima tarnimalu pisariaqartitoru-
jussuusaraluarpaa, nikeriarfigissanaguli qunugivara,
kisianni angorusuppara.

Arpareerlunga apuukkama ilaqtannguakka iserfi-
gaakka. Imermik ingerlaannaq tunivaannga ipianngu-
nera takusinnaagamikku. Arpattarnikka ilaannikkut
naalaruluutigisaramikkit, kisiannili kinaassusera allan-
ngortissinnaannginnakku arpanneq aalluttuarpara.
Timersorneruna uannut isumaqartorujussuusoq aamma-
lu pingaartikkakku pisariaqartivillugulu ingerlattuaan-
nariga. Timera aalatinneq ajorukku puakka pitsanngori-

artornavianngillat, taamaammat killormoortuani inissi-simatippunga killeqaraluaqalunga, ilungersuutigisarlu-guli aalluttuarlugu. Sallunavianngilangami oqaruma timersorneq inuuninni pisariaqartinnerarukku. Imak pisariaqartitsigivara, allaat assersuutigiinnarsinnaavara; arpaatikka skuut aaliagersimasuupput uannut tulluar-sagaalluartut, taakkoqanngippat isikkakka arpakkaa-ngama anniarisassagaluarpakka, pisinnaasaralu pitsaa-nerpaaffiminiigani ajornerpaaffianiissagaluartoq, takorloorsinnaavara taamaattunik arpaateqanngitsuu-guma. Nappaatiga taamannak piumasaqaateqartigaaq, allaat anersaartorsinnaassusera killeqaraluaqisoq arpat-ariaqartarlunga, tamatigummi ipianngujuarpunga, kisianni arpakkaangama uniinnanngisaannarpunga. Inooriaaseq taamaattoq atortuaannartariaqarpara arpa-a-tituulli atiuartariaqarlungu. Nappaat inunnguuserigakku toqqagarinngilara, inooriaasissarali nammineerlunga aaliangersinnaavara.

Arpakkaangama misigiuarbunga eqqarsaaterpassuit sarsuallutik eqqissisarlunga aqqusinikkut ingerlaartitta-raannga. Niuma, puama timimalu nukersornerisa unammisaqarnera naluneq ajorpaat. Aallartitarmi naaf-feqartuaannarmat tunniutiinnarfigerusunngilluinnar-paat, aatsaallu apuuffissannut apuukkuma eqqississi-maalerumaarlutik. Massakkut tunniutiinnarlunga unis-saguma imminut qaqgumulluunniit isumakkeerfigisin-naanavianngilanga niaqorluutigialissagakkumi. Aat-saallu tulliuttussami misigissuseqarsinnaassaguma taamannak pisoqarsinnaavoq. Allatut ajornarpat soriar-sinnaanavianngilanga, immaqa maleruutiinnartariaqas-sagamaasiit.

Peqqiillioreerlunga uninngangaatsiareerama timer-soqqittalernialeqaangaasiit. Ulloq siulleq arpakkama putsertoq, assut nuannaarama kisianni aqaguani eriniguagara nallermat sila eqqorluataavikkakku arpaatikka ativakka. Skuuma qilerutaat marloriarlugit qilersorluarpakka, anillungalu. Ingerlaarninni nalunaaqtara qiviarylugu imminut arriigisupilussuanngorama piginnaasara tamakkiisumik ataaseerumanermik sukkatsisarniarsarivunga. Uninngaarsimangaarama atisat atukkakka qanoq ittuunersut malugisimanngilakka. Qernertunik atisisimavunga, seqernup qalipaat qernertoq tigujuminartinneruaa, taamaammallu massakkut kiaguttorujus-suanngortillunga. Takusinnaasara malillugu aqquser-nup qulaaniipput qullerpassuit ataasiakkaarlugit sanioq-quttaqattaakkakka. Ungaserujussuanngitsumi qulliit isinnut tappingertitsisaqattaarput qalipaaterpassuarnik toorneeraasunik pilersitsisunik. Takusaqarluarsinnaannginnama inuaqerpalaaq kisiat tusaalluarsinnaavara, kisiannili oqalunnerannik paasisaqarsinnaanngilanga, kiisa paatsiveerusimaaleriasaarpunga aamma arpannanga malugilerakku.

Angerlamut apuutilerama timera artorsaatigingaaqalugu napaqqarlunga apuukkama nuannaajallarujussuar-punga. Apuulluangaarama qangatangajappungaluunniit aatsaannguummammi ilungersorsimaqigama. Arpan-nikka tamarmik immikkuullarissutut isigiuarpakka, tamarmimmi assigiinneq ajoramik. Sukkanerunngikaangamami arriinnerusarama. Pilluartuarpungali aamma arpanninni suliassara qanorikkaluartorluunniit tulluusimaarlunga naammassisarakku.

Aqagukkut seqinnarissumi arpaqqikkama maluginngitsoorsimavara qernertuinnarnik atiseqqissimallunga.

Tassaniuna eqqumiilluinnartumik maluginngisannik pisoqariasaarsimasoq. Ilisimajunnaarsimavunga. Silat-toqqippunga napparsimavimmilliungu. Misissortereer-lunga nakorsat aaliangerpaat Qallunaat Nunaannut aallartitaassasunga aamma aapparisama meeqqammalu malikkumaaraannga paasitinneqarpunga, tapersorsorni-assammannga aqqutaa tamaat. Ajoraluartumik Qallu-naat Nunaannukarninnut ullaorpassuarni siulliusimavunga, ilaqtannguamami timmisartukkut aqqutissaat ajornakusoorsimaqimmat.

Tupigisarpara maqaasisaqarnerup killeqartanngin-nera, inunnik qimaguttoqartarpoq suli maqaasillugit qimakkusunngisaannakkannik, ajoraluartumilli pisima-sut periataartarput, qaqugumullu misigissutsit uniffe-qanngisaannarumaarlutik.

Ataaseertippunga misigissuserpassuit eqqarsaatigi-leriasaararakkit. Uummatiga suli kassuppaluttoq tusaasin-naavara, tuaviutsassimarpaluppoq. Aappannguara katikkusulersimavara, kiisami misigilersimavunga siunissaqarfigalugu neriuuteqarfigilerlugulu. Aaliagerlu-arsimavunga inuk taannannguaq kisimi inuunerma sinnerani najortuarumallugu.

Qallunaat Nunaanninggaanniit kiisami nunannut angerlarama ilaqtuttama amerlanerit aatsaat isikkora takuaat, qungujuffigaakkalu piffissami annertuumi takusimannginnakkit. Soorluuna tupaallangaaramik isigerusunngikkaannga, tamarmimmi takullatsiariarlunnga qaqqarsuit tungaannaanut saakkamik. Akkaak-kut, aanaakkut, ajakkut, ilaqttagullumi allat tamarmik. Aliannaqaanga maqaasisimasakka najulerakkit, iluk-kullu ilungersortutut misigiunnaarpunga toqqissisima-nerulerama, soorlulumi anersaartorluarsinnaanngorteq-